

†
BOLETIN ECLESIASTICO

DE LOS OBISPADOS DE

SALAMANCA Y CIUDAD-RODRIGO.

Circular

permitiendo trabajar en los dias festivos durante la
próxima recolección.

Damos el competente permiso para que los fieles dedicados á la recolección durante la próxima temporada en que aquella debe verificarse, puedan trabajar en los dias festivos, si así lo exigiere la necesidad á juicio del Párroco, exceptuando los de S. Pedro, Santiago y Asunción de Nuestra Señora, sin que por ello queden dispensados de la obligacion de oír Misa en los Domingos y dias de precepto. Los Sres. Curas y demás encargados de Párroquias darán conocimiento de esta Circular á sus amados feligreses y les exhortarán para que en los dias festivos en los cuales trabajáren, procuren además de oír Misa practicar algunos actos de piedad á fin de santificarlos en lo posible.

Salamanca 20 de Junio de 1882.—EL OBISPO *de Salamanca y Administrador Apostólico de Ciudad-Rodrigo.*

DIE V. JULII.

IN FESTO

SANCTORUM CYRILLI ET METHODII,

PONTIFICUM ET CONFESSORUM (1).

DUPLEX.

Omnia de Communi Confessoris Pontificis præter
sequentia.

IN I. VESPERIS.

Hymnus.

Sédibus cœli nitidis recéptos

Dicite athlétas géminos, Fidèles;

Slávicæ duplex cólumen, decúsque

Dicite gentes.

Hos amor fratres sociávit unus,

Unaque abdúxit pietas erémo,

Ferre quo multis célerent beátæ

Pignora vitæ.

Luce, quæ templis súperis renidet,

Búlgaros complent, Móravos, Bohémos;

Mox feras turmas numerosa Petro

Agmina ducunt.

Débitam cincti méritis corónam

Pérgite o flecti lácrymis precántum;

Prisca vos Slavis opus est datóres

Dona tuéri.

Quæque vos clamat generósa tellus

Servet ætérnæ fidei nitórem;

Quæ dedit princeps, dabit ipsa semper

(1) Este oficio y su misa se venden en la Librería de D. Vicente Oliva, calle de la Rúa.

Roma salutem.

Gentis humanæ Sator et Redemptor,

Qui bonus nobis bona cuncta præbes,

Sint Tibi grates, Tibi sit per omne

Glória sæculum.

Amen.

ŷ. Sacerdótes tui induántur iustitiam.

ŕ. Et Sancti tui exúltent.

Ad Magnificat.

Ant. O quam speciósi pedes evangelizántium pacem, evangelizántium bona, dicéntium Sion: regnabit Deus tuus.

Oratio.

Omnípotens sempitérne Deus, qui Slavóniæ gentes per Beátos Confessóres tuos atque Pontífices Cyrillum et Methódium ad agnitiónem tui nóminis venire tribuisti: præsta; ut quórum festivitáte gloriámur, eórum consórtio copulémur. Per Dóminum.

AD MATUTINUM.

Hymnus uti supra.

In i. Noct. Lects. de Script. occur.

IN II. NOCTURNO.

Lectio iv.

(*Ex Litteris Encyclic. Leonis PP. XIII.*)

Cyrillus et Methódus fratres germáni, Thessaloniæ amplissimo loco nati, Constantinópolis matúre concessérunt ut in ipsa urbe Oriéntis príncipe humanitátis artes addicerent. Utérque plúrimum brevi profecérunt; sed máximè Cirillus, qui tantam scientiárum laudem adéptus est, ut singuláris honóris causa Philosophus appellarétur. Deinde mónachum ágere Methódus cœpit; Cyrillus autem dignus est

hábitus, cui Theodóra imperátrix, auctóre Ignátio Patriárcha, negótium daret erudiéendi ad fidem christiánam Cházaros trans Chersonésu incoléntes; quos præcéptis suis edóctos et Dei númine instinc-tos, múltiplici superstitióne deléta ad Jesum Chri-stum adjúnxit. Recénti christianórum communitate óptimè constitúta, Constantinópolim rediit álacer, atque in morastérium Polychrónis, quo se jam Me-thódus recéperat, Cirillus ipse secéssit. Interim cùm res trans Chersonésu próspere gestas ad Ras-tiláum Moráviæ príncipem fama detulíset, is de áliquot operáriis evangélicis Constantinópoli arces-séndis cum Imperátore Michaéle tértio egit. Igitur Cyrillus et Methódus illi expeditióri destináti, et in Moráviam célebrilætitia excépti, ánimos christiánis institutió nibus tanta vi, tamque operosa indústria excoléndos aggrédiúntur, ut non longo intervállo ea gens nomen Jesu Christo libentíssimè déderit. Ad eam rem nom parum sciéntia váluit dictionis Slavónicæ, quam Cirillus ante percéperat, multumque po-tuérunt sacræ utriúsque Testaméti Litteræ, quas próprio pópuli sermóne reddíderat: nam Cyrillus et Methódus príncipes inveniéndi fuérunt ipsas litteras, quibus est sermó ipsórum Slavórum signátus et ex-préssus, eáque de causa ejúsdem sermónis auctóres non immérito habéntur.

Lectio v.

Cùm rerum gestárum glóriam secúndus rumor Ro-manam nuntiáset, Sanctus Nicolaus primus Póntifex Máximus fratres óptimos Romam conténdere jus-sit. Illi románú iter ingrési, reliquias Sancti Cle-méntis primi Pontificis Máximi, quas Cyrillus Cher-

sonæ repéreat, secum ádvehunt. Quo nuntio, Hadriánus secúndus, qui Nicoláo demórtuo fúerat suffectus, Clero populóque comitánte, óbviám eis magna cum honóris significatióne progréditur. Deinde Cyrillus et Methódus de múnere apostólico in quo essent sanctè laboriósèque versáti ad Pontíficem Máximum, assidéntem Clero, referunt; eúm áutem eo nómine ab invidis accusaréntur, quod sermónem slavónicum in perfunctiône múnorum sacrórum usurpávisset, causam dixére ratióibus tam certis tamque illústribus, ut Póntifex et Clerus et laudárint hómínes et probárint. Tum ambo juráti se in fide beáti Petri et Pontíficem Romanórum permansúros, episcopi ab Hadriáno consecráti sunt. Sed erat provisum divínitus, ut Cyrillus vitæ cursum Romæ cónderet, virtúte magis quam ætáte matúrus. Itaque defúnci corpus elátum fúnere público, in ipso sepúlculo quod sibi Hadriánus extrúxerat compósitum fuit; tum ad Sancti Cleméntis dedúctum, et hujus prope cíneres cónditum. Cúmque veherétur per urbem inter festos psalmórum cantus, non tam fúnemis quam triúmphi pompa, visus est pópulus románus libaménta honórum ecclésiasticum viro sanctíssimo detulisse. Methódus verò in Moráviám regréssus, ibique factus forma gregis ex ánimo, rei cathólicæ inservire majóre in dies studio institit. Quin etiam Pannónios, Bulgaros, Dálmatas in fide christiáni nóminis confirmavit; in Carínthiis áutem ad unius veri Dei cultum traducéndis plúrimúm elaborávit.

Lectio vi.

Apud Joánnem Octávum, qui Hadriáno succésserat, iterum de suspécta fide violatóque more mejórum, ac-

cusátus, ac Romam venire jussus, coram Jóanne, et Episcopis áliquot Cleróque urbáno, fácilè vicit cathólicam prorsus fidem et se retinuisse constánter, et céteros diligénter edocuisse; quod verò ad linguam slavónicam in sacris peragéndis usurpátam, se certis de causis ex vénia Hadriáni Pontificis, nec Sacris Litteris repugnántibus, jure fecisse. Quaprópter in re præsentí compléxus Methódium Póntifex, potestátem ejus archiepiscopálem, expeditiónemque slavónicam, datis etiam litteris, ratam esse jussit. Quare Methódus in Moráviam revérsus adsignátum sibi munus explére vigilantius perseverávit, pro quo et exílium libénter passus est. Bohemórum Príncipem ejúsque uxórem ad fidem perdúxit, et in ea gente christiánium nomen longè latéque vulgávit. Evangélii lumen in Polóniam invéxit, et ut nonnúlli Scriptóres tradunt, sede episcopáli Leópoli fundáta, in Moscóviam, próprii nóminis digréssus, thronum pontificálem Kiovvénsem constituit. Demum in Moráviam revérsus est ad suos; jamque sese ábripi ad humánum éxítum séntiens, ipsemet sibi successórem designávit, Clerúmque et pópulum suprémis præcéptis ad virtútem cohortátus, ea vita, quæ sibi via in cælum fuit, placidíssimè defúnctus est. Uti Cyrillum Roma, sic Methódium Morávia decedéntem summo honóre prosequúta est. Illórum verò festum, quod apud Slavóniæ pópulos jámdiú celebrári consuéverat, Leo Decimus Tértius Póntifex Máximus cum Officio ac Missa própria in Univérsa Ecclésia quotánnis agi præcépit.

Ad quod Joannem Octavum, qui Hadrianum successerat, et Leo Decimus Tertius Pontifex Maximus cum Officio ac Missa propria in Universa Ecclesia quotannis agi precepit.

In iii. Nocturno Homilia S. Gregorii Papæ in
Evang. *Designavit Dominus....* de Communi Evange-
listarum.

AD LAUDES.

Hymnus.

Lux o decóra pátriæ,
Slavisque amíca géntibus,
Salvété, Fratres; ánnuo
Vos efferémus cántico;
Quos Roma pláudens éxcipit!,
Compléxa mater filios.
Augét coróna Præsulum,
Novóque firmat róbores.
Terras ad usque bárbaras
Inferre Christum pérgitis;
Quot vanus error lúserat,
Almo replétis lúmíne.
Noxis solúta pécóra
Ardor supérnus ábrípit;
Mutátur horror vépríum
In sanctítátis flósculos.
Et nanc seréna Cœlitum
Locáti in aula, súpplici
Adéste voto: Slávicas
Serváte gentes Númini.
Erróre mersos únícum
Ovíle Christi cóngreget;
Factis avítis æmula
Fides viréscat púlchríor.
Tu nos, beáta Trínitas,
Cœlésti amóre cóncita,
Patrúmque natos ínclýta
Da pérséqui vestigia. Amen.

ŷ. Sapiéntiam Sanctórum narrent pópuli.

R̄. Et láudem eórum nuntiet Ecclésia.

Ad Benedictus.

Ant. In sanctitate et iustitia serviérunt Dómino
ómnibus diébus suis: ideo stolam glóriæ induit illos
Dóminus Deus Israël.

In ii. Vesperis Hymnus et ŷ. ut in primis.

Ad Magnificat.

Ant. Isti sunt viri sancti, facti amici Dei, divina
veritatís præcónio gloriósi: lingua eórum claves cœli
factæ sunt.

ELOGIUM

IN MARTYROLOGIO ROMANO INSCRIBENDUM.

Septimo Idus Martii.

Romæ et in Morávia Sanctórum Episcopórum Cy-
rilli et Methódii, qui Slavóniæ gentes earúmque Re-
ges ad Christi fidem perduxérunt: ipsórum vero fes-
tívitatem tertio Nonas Julii Leo Papa Décimus Tér-
tius recoléndam mandávit.

Tertio Nonas Julii.

Sanctórum Episcopórum Cyrilli et Methódii, de
quibus séptimo Idus Mártii.

Salamánca. Imp. de Oliva.